

含
經
堂
集

含經堂集卷十二目錄

詩十一

閑雨

王母節孝詩

中秋日大兄招偕同邸諸君飲碧山堂

中秋後二日同大雲舅桐軒弟章仲姪遊宿雙林寺

孟繹來宮諭和余中秋詩疊韻見贈仍疊韻謝之
王母李節壽詩

九日四首

庭中紫菊一蒂三花

芭蕉

枯桐

夾竹桃二首

雞冠

老少年

萬卷書

榴實

梨

葡萄

菊四首

同邸中友人翫菊

黃菊一帶四花

橄欖

佛手柑

木瓜

香椽

懷賢詩八首

馮太傅溥

湯巡撫斌

徐總漕旭齡

徐處士枋

陸知縣龍其

韓學士炎

汪編修琬

張知府鵬翔

二給事詩

孫君蕙

任君辰旦

江南三學使詩

病中偶吟二首

雪日同邸中客集碧山堂

融雪

乙丑除夕二首

含經堂集卷十一

崑山徐元文立齋著

閔雨

陽鳥有息飛黑蜩無停躍昏雲鬱以屯重溜傾如瀑彌
旬霧乍開移頃凍復作氣候變煥涼物色味晨莫絲披
瓦上松縱橫林間藿嘉樹不成實朱華坐零落不聞摯
鷹隼惟見飢鳥雀連衢潦淫衍空庭水滲灑徘徊咫尺
間邈若千里廓哀彼閭閻子棲庇將安托瓶罄粟無儲
况堪失秋穫行旅自遠來哀情訴漂泊沉溺苟幸免一
步數前却滔滔皆濁流洶洶競奔壑曷不轉曦車迴照
蔀下屋靈景赫中天無爲恣陰虐

王母節孝詩

醇叔編
修之母

婦道繫貞順卓哉孝與節彤史職已曠表微義所竊吾
姻有賢懿高門早禱結鸞鳥雙翱翔逸翮中斷折呼天
弗可留貞情耿哀訣上堂慰尊嫜含辛默啼血諒彼泉
下心白華代誠潔疏衣不顧溫脣澁滑無缺遺孤披五
素華簪俯如掇綠衣舞庭闈撫已轉鳴咽平生若松筠
閱歷滿冰雪迎養及芳春歸來未啼鵲褒揚有令典綽
楔高截業象服具是宜龍光耀門闕母儀鬱何崇子道
力所竭作歌示里閭歌之永無闕

中秋日大兄招偕同邸諸君飲碧山堂

誰道悲秋可自寬且拌今夕酒杯乾
追遊共駐青絲絡

深坐惟邀白玉盤
珠露光含殘雨潤
石牀陰帶暮林寒
懸知此際家鄉月
多少閑人峰頂看

中秋後二日同大雲舅桐軒弟章仲姪遊宿雙

林寺

梵宇開幽境
嚴城東復東
深林微徑出
曲檻小橋通
野色虛牕外
秋陰古木中
晝閒僧鉢靜
室敞佛幢空
爛爛翻階卉
依依響砌蟲
魚跳瀨下
網舟繫牕間
戩岬勢斜分
蓼畦光晚暝
松雷催奔雨
暗雲透晚陽
紅聯步縈花氣長
吟對菊蓀潤衣餘
柳霧解醉騰荷風
別榻香垂幔疎籬
月照櫳夢來徒栩栩
日動已曨曨
難放河邊鷁寺爲惟瞻冥際鴻
旋鑣仍綺陌
陳迹自琳宮
煙靄何多

臨河必經地

變輪蹄竟不窮西山還極望雲物正朦朧

孟繹來宮諭和余中秋詩疊韻見贈仍疊韻謝之

獨立辭壇藻思寬絲毫垂潤弗教乾時經積雨霏雲葉
人在重霄近露盤樂石自鏗皆中律陽春一唱不成寒
投來夜璧輝光滿天上冰輪好並看

王母李節壽詩

建伯母

女牀豈不美所重棲鵲鸞是澤豈不秀所愛滋蘭荃胡
然家之肥曰惟閭內賢吾邑王與李門閭粲星連郁穆
成良姻燕婉及今年綠綺和以調中道顧絕絃煢然抱
麟角烏哺良獨難辛苦門戶持飄風不足患養雛長六

翻霄路遠飛翻西掖聯丹闕振珮何翩翩歷錄五花誥
手自書雲箋恩光耀北堂介壽方張筵建伯官中書少師教母夫人受冊封壽當六十介壽之期
寶朋交獻祝行路爲嘉歎伊余忝末戚矯首望煙巒
鬱鬱高槐上佳氣殊未殫

九日四首

秋郊遙景動別路曉晴新何意囊策日翻爲折柳晨蕭
涼燕市晚迢遞粵山春馬首分攜處俄成萬里人時送叔師之官

西粵

世有浮雲變塗看積霧迷不能窮物態但可任天倪寒
渚翻鴻影殘林亂鵝啼傷心追往事節物又淒淒

書堂澄霽景秋卉傍軒開未放霜前菊初乾雨後苔窓

隣飛閣聳牆入暮林來莫負登高意重茵就石臺

過碧山堂

身閑聊自得隨分見君思爛爛餘文宋依依屬弟昆
空庭羅雜樹令夕倒芳尊不作榮名計安知雀在門

庭中紫菊一蒂三花

碧蘂方擢穎紫萼競揚華蕊密凝春綵條疎散曉霞一
枝芬獨異三秀影交加他日芙蓉沼休矜並蒂花

芭蕉

迎風碧蔭散滋露素根盤輾轉心終卷離披葉半殘倚
窗聽雨便題句贈人難任爾遮芳草應無脩竹彈

枯桐

特生曾挺秀半死竟無枝已負孤根託空懷百尺姿山

寒靈鳳去秋冷故宮知得薦朱絃用薰風倘可吹

夾竹苑二首

絳萼續絲映綠芽碧雲生處冠紅霞玄都豈有凌冬葉
渭上應無耀眼花

春餘吐豔及秋殘灼灼丹榮最耐看好取嘉名認芳譜

休從蟠冢覓檀欒

山海經蟠冢
有桃枝竹

雞冠

庭中種特異
名百鳥朝鳳

赭赫凝輝小圃間空傳鷄頂匹朱殷丹山自有將雛鳥
好向秋光識鳳顏

老少年

丹碧叅差綴景幽不將華萼鬪芳洲生來自識金風意

特爲楓林占早秋

萬卷書

并序

萬卷書者菊之別種其株短其花或圓或摘其色
淺絳其瓣卷然其枝婀娜其葉則菊其馨若蘭

仙杏光多宜映日幽蘭香遠自隨風亭亭密豔娟娟秀
更映書燈靜夜紅

榴實

塗林何處種垂實近窗櫳漸重纖條亞潛稀細葉籠霜
侵苞半折露滴液全融笑比鱗鱗齒光分的的楓丹砂
圍作裏火齊結成漿總似花開日枝頭一樣紅

梨

昔日張公谷曾聞檀洛陽一枝還豔雪百顆競明霜樹
頂蒼懸壁盤中素截肪含消良療渴可憶帝臺漿

葡萄

天馬同來日根初漢苑安結陰風影散懸顆露光溥玉
齒流瓊液金盤走碧丸世人多愛寶莫作簡珠看

菊四首

可愛東籬種移來堂上看凌霜知有力須護十分寒
豪家詩作障娃館綺爲蓑何似花圍錦香來不待風
紫羅兼丹縵金膏間燭銀邀花堪對酒休問白衣人
深夜華燈照差差影數行蘭膏非獨豔焜耀是花光

同邸中友人翫菊

秋庭蕭寂秋氣肅百卉芸黃芳不屬晚桂彫殘楓乍落
賴得星繁數聚菊金支玉蕊交丰茸連萼承跗照畫檻
縱開露靨向人笑非取妍情關綺蕞嘗聞日精盛女几
亦有甘谷流清泚幽人采掇騷客餐自古茲花不蒙恥
侵霜早抱歲寒情耐久那復同朝榮好與靜者對晨暮
領略真意咀華英會中賓侶共清暇華燭高烧正良夜
騰觚流翠若風飛須臾已盡山尊漏澹月微霜漏未窮
移卮滌罍興偏濃談深自炙淳乎穀慮簡何疑彥輔弓
人生適志我所欲世事悠悠任趨起醉來長嘯
肯使孤芳笑塵俗

黃菊一蒂四花

晚萼何偏盛金英面面看應憐雙蒂弱倍遣一枝攢影
重無妨亞香多不易殘芳心忍孤暎珍重破新寒

橄欖

曾從高樹落貯向竹筐輕不忿圓爲質惟看碧有情餘
甘留味久細嚼迸香清衆果知徒爾應輸諫得名

佛手柑

舒指駢難數擎拳態最殊中含白雪質幻作黃金膚氣
烈醒能解滋辛病可扶雲中漫仙掌得餉玉盤無

木瓜

嘉樹傳中土靈柯吐實稠微黃含密潤淺酢寄深幽不
共東陵剖惟應玉盤留佳人竟搖落託好欲誰投

香椽

足凌雲夢袖還笑洞庭橙磊落懸枝重團圓映日明香
依斐几靜光逐博爐清亦有青梅味何心問玉羹

懷賢詩八首

馮太傅溥

嶽嶽馮太傅由來乘直伉格心帷幄中抗議巖廊上兩
朝信貞篤終以資弼亮殷然去國心矢謨一何壯重謁
屬車塵翰忠永不忘

車駕東巡公奏乞
回鑾請無南幸

湯巡撫斌

中丞荷道重沉靜寡物慮致君託蓋誠推已得強恕
屹焉鎮江國清風曷晨曙樹表畏具條傳俗變黎庶持

用悅性情非取要民譽

徐總漕旭齡

吾宗挺賢達儻然美無度抗志古人間落落遺世務登陞色不辱宰物衆所慕再歲昇雙節一日芟百蠹持情無激矯適已但貞素

徐處士枋

卓哉徐處士皎節淨如練入山豈必深塵跡自能斷載乘探幽奧山川寫英絢

君善丹青資以給食

獨寤聊自歌斯飢亦云

宴珍重式廬情斯人不可見

巡撫湯公屏賜從入山訪之君辭不見

陸知縣龍其

陸君任名教學植固深基秉禮自貞篤執德無委隨鳴

琴化不輟塵甑固其宜畜民如子弟求理若渴飢安得
究儒術樹之爲人師

韓學士莢

矯矯韓學士高視薄浮湛寡慮泊無營立言道所賴痛
飲非徒然寄賞不在外物情任回通攬古意自泰心清
白雪照興逸朱霞會

江編修琬

汪翁鈍自名曾不樂宦達平生無俗情率爾自軒豁真
意安可渝隨人議疎闊著書何沈深直排古賢闢山館
愜嘉賞塵組猶疑脫

張知府鵬翮

張侯天姿妙瀟灑自拔俗驚人厲危操適已澹羣欲挺
節立郡朝彊直無感縮吳趨繫素市魯郡明丹轂君謫吳
未適月

威信甚著以憂
去後輔守兗州

何用美斯人比德峯山玉

二給事詩

孫君蕙

元叔賦疾邪發音何煌煌休璉咸時俗陳辭慨以慷伊
人負奇姿奕奕黃門郎激昂論意氣伉達上封章嫉惡
有本性見之若探湯作詩寓孤憤屬興深且長此意誰
實諒讀之增感傷

任君辰旦

諛巧日以工直讜道不存 聖明忠易效曷不顧國恩

之子奮百里高步登掖垣職思在獻納天關手欲捫登

祀諒非古違衆進苦言

君上疏論封禪事

艱哉松山役慷慨聲不

吞

君奏遼塞外明時戰骨傳古語問令馳往省視人皆爲君危君意氣自若

碌碌彼徒爾遇合烏足論

江南三學使詩

三學使劉君果山君要趙君嵩皆山東人

人心日已偷士恥日已忘鬱彼禮義府戢戢成賕賂場梗梓誰爲收筐篋厚自將因緣書上考意氣何軒昂安知抱玉客掩涕徒浪浪吳都信多幸銜使交琳琅劉君奮才傑高自標門牆所過列巾卷訓飭故育方田君夙英挺若渴勤搜揚文體一以變流風爲之昌弭節未淹歲矯矯立士坊繼以連城璧溫雅彰令望采采深淵藻灼灼茂林芳人思肄朱絃戶有陳青箱彼皆奮東國身近

鄒魯鄉聖澤雖已遠篤生尚材良教術豈苟同同於厲
冰霜足令振顏俗姓氏餘輝光

病中偶吟二首

但有劉楨卧何成張翰歸壯懷那不減素尚已多違雪
徑晨行少藜牀夜坐稀頻添藥竈火兼得辟寒威
舉盞沾唇淺開編過眼遲憂來萬感集病到一身知風
凜肌生栗霜嚴鬢有絲畏逢親舊問偏說少年時

雪日同邸中客集碧山堂

羲和委轡陽景消晦霧翳塞無昏朝非霜非霰凝柯條
千樹萬樹冱冰綃踰旬不散疑陰妖此日彼月薄蝕交
聖人側席咨謀勞朝無闕政臣夔皋百職何以訓唐

堯及時祥雪紛已飄 睿情多豫紆鬱陶積素峨峨浮
霰瀟灑開館窗明晝復宵朋侶聊可相招要食糲攻淡宜
吾曹得酒豈必論盤肴舉觴相屬靜不踞百觥十榼非
矜豪吾意何取隨餉糟珍重哉冀歸林巢稷黍餘稅輸
豪毛猶能鼓腹成民謠

融雪

花發本無依何心怨日暉不沾謝女絮徒濕侍臣衣小
徑荒難掩重樓迴易晞應知如許潔能聽久光輝

乙丑除夕二首

歲序遷何速 君恩憶有餘病容尋上藥閒得檢殘書
想像薰天燭經過流水車孩童從努力羣厲盡教除

一宵分兩歲迎送託深卮臘去熏鑪戀春來爆竹知禁
寒開晚幙倚醉誦新詩檢點平生事年年在此時

又口占截句

鑪火初添几拂塵
蒲齋寂寂暗生春
端溪硯石桃花紙
手寫門符不倩人

舍經堂集卷十一

含經堂集卷十二目錄

詩十二

丙寅元旦二首

夢中得不踰方寸間次第課耘耔之句因足成之

水仙

仲春庭中獨坐

上巳同姜西溟萬季野湯西嵎王崑繩汪文升諸子及大雲舅集楊氏園亭

梅花

清明日伯兄攜同韓慕廬金穀似桐軒弟及諸子

姪遊黑龍潭

紅梨花

芳樹

三月二十四日伯兄攜同周廣菴胡孟綸諸君遊
摩訶菴看杏花

送湯西崖還里

高澹人學士夢中得伏雨炎風正夏闌之句續成
五首依韻和之

再次原韻五首

澹人惠龍池茗賦謝二首

家兄以田紫綸鴻臚所餉墨露命飲漫成絕句四
首

菊

秋夜夢籬邊水際孤鳳立焉黯然無復光耀醒而

作詩

詠蘋果贈任大理辰旦

閉門

著書

題禹尚基漁邨卜居圖二首

送楊以齋侍郎歸軍

蹉跎

讀列子因賦

題菊莊漁釣圖二首

除夕二首

丁卯元旦二首

碧山堂元夕鬪酒詩

含經堂集卷十二

崑山徐元文立齋著

丙寅元旦二首

仙曆啓韶年晴光淨曉煙三微初視朔一歲此朝天表
蘿羣公外呼嵩列仗前歸來日未午敲枕但高眠
斗轉方迴北風來已近東漸融衰骨冷似覺客愁空樂
事墳簾内生涯簡策中加年聊自喜暫放醉顏紅

夢中得不踰方寸間次第課耘耔之句因足成之

四運有代遷萬化靡窮已此焉寓機妙觀物良可喜大
道本弘曠曷不自勤企天遠澄高霞江平澹流水百川

皆可納一簣詎庸止惟靜實德基循之自卑邇不踰方
寸間次第課耘耔炳燭猶能希將以厲頽齒

水仙

玉盤擎出潔鏡閣望來新麝重香能奪梅寒意最親娟
娟明秀靨婉婉淨浮塵恍動凌波襪凝眸欲睇人

仲春庭中獨坐

代謝已復始女夷方中律熙陽潛鼓和不覺慙凜失春
條未抽萋春氣殊盎溢靜對有餘樂何待穠華發轉慮
爛漫時光榮自茲畢天心良可見人事奚足恤一坐一
徙倚翛然得真率寄賞不在多庶用陶嘉日

上巳同姜西溟萬李野湯西崖王崑繩汪文升

諸子及大雲舅集楊氏園亭

春光無處覓十里縱金羈野館閒蕭閣和風入柳枝峯
明林乍映杯急坐頻移得共張裴賞依然洛水期

梅花

帝城風物晚三月乍舒梅已過風霜逼將無桃李猜繁
香凝晝幌微潤點蒼苔何必南枝暖紛紛競早開

清明日伯兄攜同韓慕廬金穀似桐軒弟及諸
子姪遊黑龍潭

春風乍已和春日亦云暖聯騎臨城南桂興得所遣層
林葉未抽靈潭水猶淺臺荒阻登躋室敞虛櫺檻小閣
尚延眺山光靜非遠緬追十載遊茲地集纓冕當時大

隱客祇今存者鮮物序有迴斡世事恨促短一尊聊取
適非用樂沉湎高言展轉清意得亦何嫌相與詠而歸
舞雩庶同撰

紅梨花

猶然金谷樹點染對芳菲弱態當風豔穠姿過雨肥微
酡明畫靨淺絳試春衣莫近天苑種空令妬日暉

芳樹

莫奇夏雲峰白衣蒼狗無定容莫幻海中市樓臺車馬
凌空起是皆有象可端倪何似人情難測擬刀劒縱橫
笑口間胸藏鱗甲更駢闐轉瞬萬態變風雨舉手一息
翻波瀾或生毛羽或瘡痍任心高下成獎毀世人嫩惡

何區分善我即臧不即否慘舒潛足移陰陽機巧真堪
眩神鬼將欲照肝膽秦鏡不可遇將欲狀罔兩禹鼎誰
爲鑄老夫不見亦不聞笑看庭前衆芳樹

三月二十四日伯兄攜同周廣菴胡孟綸諸君
遊摩訶菴看杏花

聯騎出重城招提故得名到門藂樹古入院野花清鳥
語偏添靜風來不礙晴紗籠看舊壁菜夾薦新羹覆殿
松陰合周垣石甃平萬枝垂積霰十畝散兼瓊聊可聯
茵席真堪發酒鐺帽簷侵蕊密杯而落英輕薄醉陶佳
興餘香引素情高陵升尚健倦眼望還明翠靄西山逼
葱龍北闕迎諸天依淨域萬象豁神京感歎存今古歡

全宋詩卷一百一十一
三
娛屬弟兄有懷尋蠹簡無事戀塵纓浩蕩春何極幽閒
樂自并他時仙杏發問我在巖耕

送湯西崖還里

性僻寡游好歛戶無來客同懷夙所期非敢傲孤特晚
歲邁之子邈與俗意隔淥波湛詞澗青山藹秀骨真賞
彌襟情逸澹自有得相對使人親豁然鄙吝失如何勞
吾心別思悠已迫丹榴吐初豔紅藥翻朝色離觴一以
揮恢台竟慘慄良晤豈必遙三秋意難塞吾衰亦久矣
望道何所獲及時愛春華願子勗明德

高澹人學士夢中得伏雨炎風正夏闌之句續
成五首依韻和之

伏雨炎風正夏闌清姿獨立照明玕新詞傳得鈞天響
下里人應屬和難

伏雨炎風正夏闌茆簷滴瀝未曾乾藜牀移向簾前坐
綠樹新滋盡日看

伏雨炎風正夏闌蝦蟆驀鳴噪不關官清甕貯水供茶鼎
絕勝銀瓶汲井榦

伏雨炎風正夏闌靜來觀物識暄寒長陂最愛開千頃
危棧安能問五盤

伏雨炎風正夏闌玉皇親侍是仙官懸知紫府高嚴地
碧殿銀樓十倍寒

再次原韻五首

伏雨炎風正夏闌江雲山霧總瀰漫不知笠澤漁磯畔
今日平添水幾竿

伏雨炎風正夏闌新波太液下飛湍侍臣每日趨丹禁
苑外兒童識寶鞍

伏雨炎風正夏闌輕搖明月向齊紈甘瓜罷剖冰漿冷
滿盃流膏試鳳團

伏雨炎風正夏闌雨餘金闕日光攢當年委珮承恩處
未許依稀夢裏看

伏雨炎風正夏闌平生幽意愜清寒宵涼漸得篝燈坐
賸有芸編送漏殘

澹人惠龍池茗賦謝二首

一絨珍重靈芽賜金鼎親將碧乳烹便覺清風生兩腋

欲從仙闕問蒼生

用王川語

顧渚龍安未是珍
粉槍偏重越山春
槐花啜盡餘甘在
却戀蕭閒我輩人

家兄以田紫綸鴻臚所餉墨露命飲漫成絕句

四首

竹葉榴花總忘憂
豈知別醞出名州
浮卮已覺襟神暢
誰道平原是督郵

舍和備味自芳醇
光借隄廡倍足珍
願得尊前長守黑
新醒端不藉燒春

釀來可浥華陽水
暖就疑融阿井膠
只染丹顏不染髮

星星孰與換垂髫

五色從分寶露來
置將髹几漫驚猜
病餘擬負黃花約
何意旋開已覆杯

菊

蓼菊還爭放
依然對酒卮
融融深發采
密密靜含滋
山葉翻風日
庭柯結露時
年年旅館看
真覺負東籬

秋夜夢籬邊水際孤鳳立
焉黯然無復光耀醒
而作詩

吾聞威鳳生乃在丹山
居聳翹奮英采振羽耀光儀
高翔萬里度和鳴六律諧
巢閣詎非瑞舞庭固有時
豈期枳落際獨立成摧頽
黯黯斂輝耀默默臨汙池
寧無竹

實食胡然辭故棲夢骨悅以驚起坐還嗟咨靈物有顯
晦奚況斯人爲在筴理則常紫霧安所希莫嫌困雙翮
終笑南山鵠

詠蘋果贈任大理辰旦

薊門有嘉果雅擅華林芳敷萼及春日晚夏乃新嘗碧
膚含微頰清令有輝光玉盤映明潔綺席餘芬香不數
哀梨脆何知仙杏穠一朝變滋味敗絮還相當形觀故
猶昨中已渝其藏不如桃李熟轉得流膏漿荃蕙且爲
茅橘枳遷異鄉染化亦良速曷弗厚自彊不見松栢實
服之壽且康云何得經久歲月飽風霜

閉門

坐起惟將簡籍俱閉門忘世得迂愚
吞人逐逐來雄虺射影漫漫中短狐
范氏多徒皆攢拔羅生遇鬼亦揶揄
撫懷無怍終瀟灑未肯潜然泣阮途

著書

著書漫道宜窮困銷骨那堪積謗誅
猶有君恩憐墮履豈無鄉思問漁磯
人情可許容褒刺史筆翻教定是非
執簡深宵還討覈依微藜火竟無輝

題禹尚基漁邨卜居圖二首

輕豪寫貌意何如擬向清江穩卜居
蟹舍鱸邨聊自適垂綸那必定專車

煙波渺渺伴晨昏竹葉蘆花別得春
倘遇江潭吟客過

知君未笑獨醒人

送楊以齋侍郎歸里

達人貴止足貞士愛潔素豈不戀朝闕俗鞅困跼步石
林誠爲艱疏屬安足慕楊公挺才傑立勲在皇路奮步
登巖廊標姿美無度陳情遽報許輕車返鄉故晝遊已
足樂北堂况多祚柔旨充雕盤芳榮耀華圃生平顧養
志一旦愜夢寤長安九陌間馳騶若飈驚爭彈貢禹冠
孰尋孫綽賦數載都亭側祖帳始一還寧無西京人歎
息賢疏傳顧我謝朝被三年阻鄉樹翩然孤雲飛矯首
羨鸞羽何時縱歸翮永絕金丸懼珍重感君恩殊數
洵難遇

蹉跎

歲月總閒過蹉跎奈老何
醉寧物慮減吟祇客情多
寶璐猶爲珮貞松未改柯
江河三日益可得靜風波

讀列子因賦

懸水呂梁歌未歇燔林石壁路非窮
憂來杞國招人笑病謁盧醫廢藥功
世路孰迷逢氏子天心肯念北山翁
鼓琴拾穗他年樂何減凌虛得御風

題菊莊漁釣圖二首

的的丹顏入畫圖綠蓑青笠興非孤
一辭待詔江湖去共識煙波有釣徒

自任風波不繫憂生涯長寄白蘋洲
壘草總得忘機趣

獨繭爲絲下直鉤

除夕二首

五辛無復舊盤筵
靜夜書帷意悄然
可許輕身同一葉
敢云得罪已三年
冰心那逐寒俱去
絮被猶愁暖未還
黯黯浮雲常不絕
如何玉律只頻遷

客中遣累非無累
禁下居閒未是閒
白首但知訓信史
青春猶喜戀衰顏
圍爐火共寒燈映
插架書惟舊曆刪
料得家間迎歲處
無人不祝大刀環

丁卯元旦二首

元辰啓初陽
東風應韶律
天門詠蕩開
容衛嚴且翼
賁琛纍譯至
簪佩羣工集
伊余謝薄宦
聊假文墨職
由來

許身愚敢與熊臣匹趨蹌及軒庭瞻依在堯日微誠抑
何祝祝 君盛嘉德歸作康衢民終身感 帝力

義和無停馭年華迅流水重入薊門來八見遷歲紀人
事閱萬變終以守固鄙古人重元朔非徒加年喜慎初
敬厥微獻節良有以顧茲倍省惕敢托表遲委懿哉吾
哲兄守道循良軌伯氏敦直諒質文擅兼美仲氏愛貞
素意不屑金紫獨余無一成出處交負耳內已慚墮簪
遑期古傑士惟當策驚鈍庶幾昂暮齒豁爾暢道心居
身靜而理俟命田野閒欣然恆願始

碧山堂元夕鬪酒詩

有序

康熙丁卯正月既望伯兄侍郎方當休暇乃脩上

元之宴於碧山之堂所召賓友則二三戚故及郡
中之髦俊也於時景朗氣和雖在朔土無沍凜之
色諸君子未晡而集散步庭除徙倚欄檻虛堂之
上迴廊之側華燈四垂奇製巧繪不待加燭而爛
已奪目矣旣而微颺驟發飄簾揚蕤僉以膏燭爲
憂及命燈而坐則風斂雲散冰輪湛然乃慶造物
之以良景假我而斯會殆非偶也於是伯兄言勝
友嘉夕無他樂方嘗蓄酒得三十種相與品量而
賞之以詩可乎乃命從子中書舍人樹穀行人炯
司酒標目於壺榼之上每一種至則起而以告緝
御者或之而右或之而左行必徧即不勝飲者亦

嗅且嘗焉酒半徹俎出戶而觀火樹具舉星奔電
激或展琲簾或舞龍螭千華百樹散耀一隅目接
既倦乃還坐於堂中羣醞畢罄常醴斯設厭厭乎
不知夕之已闌也維時釀之秘者出自尚方遠或
千里而至甚有隄嶺越海者其他則北醞爲多而
鄉邦之釀簪下二泉桂花竹葉之屬常所御者不
與焉昔人稱北酒以南茶比之北固未可少也雖
味異辛甘質殊清醖色分黃碧丹白雜然其不齊
要皆足以導和而釋愠會嘉侶陶良辰正如宮商
迭奏合爲一成黼黻有章常兼數采其得自致於
斯筵者非無故矣昔蘇子瞻嘗與客遊各攜壺觴

至則合而飲之命曰義酒子瞻以和爲義曾不知
吾兄之以區擇爲義物固不可以混然而無別也
因各成一絕句以塞伯兄之命若言之悉當其品
則非所敢自必矣

仙家琬液帝臺漿駐景扶齡樂未央願得暫將杓斗酌
却同金鏡獻君王

葡萄酒

五齊分明授酒材內家醇酎碧黏臺當年秘殿鼇燈下
舉手親承賜一杯

內醢

不敗嘗書遷史筆易醒還入鄴官杯休嫌一斗纔供醉

曾換涼州刺史來

葡萄酒

醢將丹荔五滋兼鬱紫濃香飲不厭莫便停卮愁內熱

盤中方屑水晶鹽

荔子酒

尚書家醞何芳潔想見臣心爾日清

朱尚書家所醞

無物可堪供

浥酌水晶壺瀉入瑤觥

紫陽酒

協氣浮將觴席間自陶丹府發朱顏融冰化作瓊筵醴

名取陽春一夕還

太和春

滑濁澄清便不如筵前隱隱墨光舒從教草聖三杯後

舐筆惟應蘸酒書

墨露

海外珍醪貢榜攜玉光深映凍玻璃瓶封未發香先透

一榼能令醉若泥

賀蘭酒

漳濱卧疾東陽瘦却病寧神合爾須吾欲當筵問歡伯

衰羸可許一尊扶

養榮酒

漢時桐馬出天廚今日爭看西旅輸
總有燒香避芳烈
最宜同御是醍醐

乳酒

記取河東霜落時
珍釀白墮至今遺
興來牽拂招人處
不在王公在所思

桑落酒

瑤漿紫府故芳珍
舉酸惟應勸璧人
蟾彩乍輝銀燭爛
一時深照玳筵春

玉酒

金塘氣靜玉堦涼
珠露霏霏暎夕光
誰道晞陽惟暫泣
壺中不竭是靈漿

秋露白

雙擢金莖雲闕外
和將玉屑漢宮曾
長生果借神膏力

直得仙人抗掌承

金莖露

瓊酥一酌有餘芳
釀粹偏令易盡觴
堪笑邊人寒乞甚

却將蘆酒下黃羊

羊羔酒

浥取荷香成醴齊，
斟來猶訝露光溥。
亭亭翠葉傾珠液，

絕勝仙人掌上盤。

蓮葉露

大防名醑擅清芬，
聖水甘池一勺分。
禮飲定思霍處士，

醉吟還憶賈參軍。

房山酒

頻向漁陽洵水去，
攜壺直自上盤山。
臨觴試得兼清味，

憶取峰陰紫蓋間。

薊酒

清風樓閣尚存無，
渤海煙雲醉不孤。
豈是仙家傳舊醕，

漢皇曾此祀麻姑。

滄酒

豐州淨舉雲湏水，
地近銀城出醴泉。
釀就清芬成別調，

自然能傲濁爲賢。

湏酒

昔共酒人遊酒人既空酒譜留吾曾飲酒弔燕客
易水黯湛風聲秋

易酒

丹青殊費藥籠材香氣深凝白玉杯倘遇春歸啼鵲後
祇須尋向甕邊來

甕頭

乾醉馳從上黨來輕瓶窄口蠟封開傾時的的成丹露
不用還浮琥珀杯

潞酒

舊識羅家擅白醪嫩黃別釀似新鵝持將金琖涓涓液
恰對瑤臺穆穆波

羅家

不須命酌又餐英甘谷泉香泛盎清若使白衣尋處士
傾壺應得倍含情

菊酒

蘇氣先騰碧玉觚朱苞借潤味全殊直須盡釀洲邊樹

安用千緣課木奴

橘酒

摘綠甘寒秣不如拈將重碧意躊躇應知酒熱楊侯耳

合是南山一頃餘

豆酒

攻蓼含茶作酒箴此中真味耐人尋世間但識甘如醴

感慨安知烈士心

苦酒

千里攜將是鶴觴不勝馨烈喚人嘗繡江春水源無極

釀譜猶傳謝侍郎

章丘酒

射魚城南拒馬水家家種黍盈濁醪安取如飴甘且滑

但含辛冽堪成豪

淡酒

含經堂集卷十二

含經堂集卷十三目錄

詩十三

背痛

送吳青壇侍御罷官歸里

讀兵部張侍郎敦復浮山詩

種樹

題喬石林家園圖

碧山堂種松

耳鳴

題周白川牧牛圖

題電發躬耕圖

送電發歸里

上巳日偕陶子師汪文升吳元朗家桐軒彥通從
子樹穀炯集碧山堂二首時子師自家鄉初至
送韓慕廬學士還里二首

過故居有作

菜

規燕

慰燕

送李學士原菴省覲還閩

四月四月初進明史入奏 乾清門

自二月至今三閱月矣靡日不風感而有作二首

早

良史

午日二首

伯兄以新會白紵見賜率爾賦呈

茉莉二首

送巡撫田綸霞之任二首

送行人姪炯奉使滇南四首

七夕碧山堂小集

送中書舍人姪樹穀典山西試二首

宿孤山普濟寺

遊上方山三首

下中院

弔晉處士霍原

東峪寺

石經山

甘池

過天開寺投顧若道觀宿

金經堂集卷十三

崑山徐元文立齋著

背痛

四體皆動動獨背止其所三復兼山父列黃何自苦衰
疾固不侵鍾患更脊脅巨陽與肺邪莫識病所主豈嘗
中賊寒結轉在胞府非關孔父恭將成姬公偃五藏繫
安屬三關氣爲沮不知軀所託上下因仰俯欲行須將
扶且眠待搖撫大患以我身斯語著自古誰爲除鬱逆
倉鵠不可覩願言陶天真舉手鼓且舞謝彼芒刺憂適
此負日煦嘯詠春臺側我疾霍已瘳

送吳青壇侍御罷官歸里

微風啓韶和城堤絲柳變不知清江側芳菲幾許見臨
水送將歸歸情倦離宴之子臺中妙英光激流電奮議
足驚衆慷慨弗顧譴一朝辭朝帶撫懷自蕭散不勝報
國心未愜平生撰軼才寧終棄精剛在百鍊聊可棄田
廬隨時寄遐盼溪雨舫艤飛江晴簾帶卷去去日以南
能使留者羨鄉國有餘春山花照人眼

讀兵部張侍郎敦復浮山詩

大江氣涵渟結境多靈丘茲山信奇挺鬱律江外浮岫
壑寄妙有臺殿含清幽白雲上迴合青林下繚糾境絕
登陟罕誰能歛來游張公神仙骨興逸邈無儔名巖三
十六一一曾淹留還輅向金闕夢想惟冥搜奮藻寓心

賞綠筆煙霞收三復思矯矯馳入空山秋棲託于此足
安用尋滄洲

種樹

由來卜舍先移樹楚止還須種滿林遂有繁英開雜繡
不勝巧囀聽春禽欄邊藥吐媚娟秀簾外藤垂密密陰
總與庭前眾芳植無朝無暮伴清吟

題喬石林家園圖

陶生愛吾廬謝客戀水石真賞不在多養性貴有適傳
傳繫世網良日吁可惜何如歸去來遣彼生慮迫喬侯
圭璋器承明奮高迹登壇振鴻藻侍陛抒嘉策片辭天
聽回安顧身棄斥射陽風物佳林園任芟闢不離百雉

城營此十畝宅霜萼晨霏霏風篁晚莫莫重閣四眺延
小橋半溪隔執卷攜清琴有時出南陌稚子望還筇迎
門自歡劇天遣愜嘉賞非云離困阨回首蔽緇塵咄哉
圭組客

碧山堂種松

春墅茂嘉植杏白山朶紅忽憶千霄姿十里移雙松霜
雪已飽歷斧斤幸不逢抱節自茹柯結陰何慈龍種之
堂東隅鬱鬱映簾櫳顧盼生幽勢咫尺翠欲重偃枝舞
靈則聳餘喬龍相倚若弟昆貞心罔弗同歲寒非所
矜芳菲倘見容托根遠鄙市庶幾巖壑蹤一過一披襟
得爾延清風

耳鳴

寄爾司聰職其如惑聽何
厖厖聞鬪蟻隱隱發鳴鼃
未曉癡蠅集當風駭浪多
惟期枕流去衆籟盡教和

題周白川牧牛圖

荻風淒淒秋雨急
晚渡青溪牛背濕
牧童不識風雨愁
轉面閒吟覆青笠
尚書清峻稱人宗
筆墨曾師白石翁
何異貞元韓僕射
規撫戴氏留遺蹤

題電發躬耕圖

寫水田三頃
百株桑之句

春及碧畦新柔條未采
晨板橋南澗曲草舍北
山垠意本輕千戶謀非
濟一身不知秉耒日能
待耦耕人

送電發歸里

笠澤萬頃煙濛濛旁有百尺垂髻虹由來棲息多隱客
塵飛不到楓江東送爾孤舟去翩若神僊蹤乍登菡閣
峰雲碧偶移蘭漿溪花紅人生充訕奚當問世事日疎
道日近置身何必後羲皇耕野殊堪樂堯舜酌爾斗酒
須盡卮生平真意少人知與爾相期玉山側記取來年
桂發時

上巳日偕陶子師汪文升吳元朗家桐軒彥通
從子樹穀炯集碧山堂二首時子師自家鄉初
至

元已修時遊春物信駘蕩白華兼絳萼芳菲非一狀謾
謾風松偃濛濛煙柳颺欄廊足徒倚堂軒自弘曠雖無

流觴渠可以寄俯仰
遵我同僚客有情何弗暢
同懷心所欽別日指成期
睽離甫十旬陵阜積遙思
三復采蕭詠詩人非吾欺
惠然肯相顧得慰渴與饑
開襟散言笑高會禊堂時
深飲未解已日暮華燭隨
入坐盡俊妙相對豈知疲
淑氣溢丹府忽忘筋骨衰
豁爾祛惑吝被滌庶在斯

送韓慕廬學士還里二首

有鳥居南方積石乃千里
朝食瓊林實暮飲醴泉水
吐音成笙簧奮采耀錦綺
遭逢聖明世來儀表禎祉
帝梧誠足棲終憶丹山址
淹留郊藪間將無鶉鷄比
高翔入青冥葆此六德美

賞心不數遇，繾綣難爲訓。羈人送歸客，日暮春風愁。舉觴豈成醉，指景安能留。分手潞河去，飛帆迅輕舟。稅彼塵中鞅，狎爾海上鷗。朗情映高月，亮節凌清秋。川路邈莫追，思君日悠悠。縱有護草枝，何用解離憂。

過故居有作

伊余昔託居中庭，有嘉樹團團若車蓋。敷陰靄雲布，和春吐華萼。英采耀黼霧，芬馨固不聞。枝葉得所附，一朝舍茲去。芳菲竟非故，下有狐鼠侵。內遭蛄蝻蠹，羣鳥啄其肉。纖兒攀折屢，生意日已疎。將遺樵者顧，乃知疇曩勤。固亦多將護，曷不擇場師。栽植慎所付，及時培本根。母令竟摧仆。

菜

碧葉數寸雲素莖擢尺玉種即須漣畦采非但盈掬于
春或生噉在冬成肯蓄取充藜藿腸足以傲食肉

規燕

忽借春風力居然畫棟依翩翩窺戶入佻巧傍人飛嘯
侶喧無歇銜泥落未稀皇孫莫漫咏應自念輕微

慰燕

舊樓曾桂館感結故恩深聊整差池羽還流下上音祠
襟豈有望避隼亦何心草草營巢壘知非久滯淫

送李學士厚菴省覲還閩

時奉有述
來之命

儒風亦云微世已無人師學不洞天人於道終何窺李

公挺英妙六籍皆研奇探原見聖奧執要固德基溫溫
潤如玉皎皎涅不緇奮績由忠純安之分所宜宸情
委隆眷寄以翰墨司多才擅餘事斯文諒在茲循陔深
自戀詣闕陳苦詞至尊毗倚殷還輅遄有期恩光耀
旌旃溪山行逶遲起居北堂上慈顏和且怡願趣鋒車
駕歸朝樹羽儀論道資弼亮坐使生民熙吾衰臥隴畝
長樂義唐時

四月四日初進明史入奏 乾清門

四載違丹禁含豪屬散人趨階臣珮委奉帙御牀親
一字褒譏重千秋竹素新此中良不苟持用荅楓宸

自二月至今三閱月矣靡日不風感而有作

首二

飄暴焉終極揚沙已歷時豈通軒后夢空入沛宮辭獵
葉春林倦移巢歲鵲知狂飈無不靡 草欲何爲

卷舌垂芒夜蜚廉逞怒辰總迷晴望眼難拂故衣塵浩
蕩憂千載摧隤笑一身嘗聞調八至 理是何人

旱

仙室靈星事禱祈雲如煙火赫炎暉憑將髣几飄塵滿
汲到銀瓶貯水微海上人無馳白馬市中兒有著青衣
聖朝解澤煩丹詔可得西郊雨乍飛

良史

東觀頻年述纂餘千秋良史竟何如微詞敢附定哀後
直筆先從楚漢初多口紛躡盧斐輩幾人珍惜夏侯書

金門著作宜年少空老殘編學蠹魚

午日二首

碧艾將何禳芳蘭自有情
易衰驚節候乍暑倦將迎
閔旱華觴減思家午夢清
梹羹誰得賜百舌未收聲

勤民煩聖主側席在宮庭
水戲虛龍艦仙倡冷翠屏
詔飛璇閣紙羹薦土堦
銅致雨膏多術曾聞有伐邢
伯兄以新會白紵見賜率爾賦呈

當暑深煩念病肌
分將白疊著來宜
霏霏霧縠絲光澤
皎皎冰紈細縷絲
粵女機成應費日
吳舫販至亦經時
寧如陸令偏疎率
輕服單衣向赤墀

建武中陸閏爲尚書令著
越布單衣世祖見而好之

自是常教習
諸賦越布

茉莉二首

鏤將白玉綴繁枝，冰骨偏標六月時。
夕豔更煩嬌彩照，晨芳先得露華知。

縱有繁香意自幽，虛齋聊倚散閒愁。
更無人數枝間蕊，只待開時摘滿甌。

送巡撫田綸霞之任二首

新看幢蓋下吳州，曾是當年使節留。
心映冰壺標水鑑，手揮玉麈蘊風流。
諸生巾卷迎雙戟，比戶謳吟望八騶。
先遣江天試霖雨，會須直拜富民侯。

仙班共仰大鴻臚，逸步青雲矯首餘。
真有名才同武庫，豈無甘雨逐輶車。
過家畫錦花明候，展幕芙蓉露湛初。

他日郊垌勤小隊，倘煩臨問及樵漁。

送行人姪炯奉使滇南四首

不作皇華使，安成萬里行。
詔飛丹鳳迴，路指碧雞平。

山起臨圖畫，星移轉旆旌。

初使浙後改滇南

秋風萸熟候，憶汝到

昆明。

弄兵曾百濮，狂狡恣封狐。
皓首猶爲賊，丹書詎有符。
終成白犬夢，不救大桁誅。
倘過濤宮地，知能誦廟謨。

去日當三伏，歸程定匝年。
老惟憂道路，爾合慎風煙。
滇海雲連樹，荆江水接天。
隨時留勝覽，詩句早爲傳。

鄉心懸未已，喜見故山歸。
春到先晴圃，花明近客衣。
亦知護樹戀，應念鯉庭違。
癡叔愁方甚，清觴待爾揮。

七夕碧山堂小集

靜撫青松送落暉，滿庭繁卉任芳菲。
輕雲乍捲星臨戶，纖月初升露潤衣。
秋到驚心頻換節，尊開喜客共忘機。
人間聚散還休論，遑問銀河渡與非。

送中書舍人姪樹穀典山西試二首

大火方夕流初涼，暑節變秋容。
滿閒庭雜英正，餘絢辭我將有適。
西行揆俊彥，家世業文章。
爾復朝命忝，恒霍鬱嵯峨。
河汾浩紆衍，土風餘唐墟。
京室想晉甸，卿才自古稱。
席珍庶今見，梗梓亟爲收。
球璧慎所薦，十日指嚴程。
千里擁輕傳，王事遺方始。
勗哉在百鍊。

伯兄佐春卿，猶直清禁廬。
宣勞力是視，首公意無餘。
寢

膳資調適庭闈樂且愉汝弟頃于役萬里奉簡書今爾
辭京邑一朝戒輶車雖非滇海遙離念良不殊還旃庶
亟動慰我情區區別候秋颺發歸晨冬日舒歡焉命旨
酒爲爾騰清觥

宿孤山普濟寺

香界臨幽處孤山竟不孤松雲隱蘭若蘿月照浮圖徑
淨陰苔掃宵寒宿鳥呼一爲蕭寺客巖壑屬吾徒

遊上方山三首

崇巖拱京室穹嶺鎮北州蔥蘢萬象并杳窅重壑幽霜
雪未嚴凜物色猶清秋攜我同懷人駕言來行游山徑
多縈折道里何遐修一過翠微半舉目異林丘兩壁交

巉削鳥路不可留
薜樹互斑碧
雲靄相飛浮
石室邈何許
縱履寫心憂

寫憂上連峰
中歷歡喜臺
石梯三百級
鬱哉誠崔嵬
攀緬還聚足
天路豁以開
嶺畔得紺宇
烹泉延茗杯
扶策更東陟
側步避莓苔
綠篠閒小院
青松冷石隈
層壁若龕覆
一勺容瓶壘
汲飲餘甘芳
颯爾清颺來
兜率出霞際
臨眺皆浮埃

浮埃非可到
兜率自弘敞
精舍環相羅
拱揖豈一象
丹碧互輝煌
林木森秀爽
俯視邃壑奔
仰眺危峰上
摘星何岩嶢
千雲鬱相向
上有攀蘿人
風傳簫吹響
洞穴竇以紆
阻人測幽廣
物詭境亦靈
疇能但孤往
盤旋出歸

踐尋碑踐榛荇雖靡信宿留居然愜嘉賞誓且返巖耕
悅心非外獎

下中院

曾是招提境邨名別院傳山留暮雲在人背夕陽還枯
澗分樵徑荒碑寄麥田碑中竟何語惟記虎兒年

弔晉處士霍原

幽州擅甲背南朝高士端居遇疾颺無意却承纁帛詔
何人爲唱豆田謠二黷流水荒煙盡六聘平巒古寺消
弟子當年競埋骨猶應絕勝楚魂招

東峪寺

白帶山前草徑平東雲居下一溪橫僧堂磬鉢虛無響

坐聽風楊落葉聲

石經山

淨域同西竺疏峰自北齊
五臺懸碧漢一徑入丹梯
祕塔蓮花湧珍珠貝葉題
山靈常有護祇覺白雲低

甘池

石竇涓涓吐碧渠邨邨依
水翦茅居塘邊晚獲千畦
稻澗底晴遊一目魚

過天開寺投顧若道觀宿

下馬入幽寺拂塵看古碑
揚鞭還徑去山色夕陽時
邨靜車行少風微葉下遲
來投仙館宿涼月對清巖

含經堂集卷十三